

RESOLUCIÓN REITORAL DE 14 DE OUTUBRO DE 2015 POLA QUE SE CONVOCA UNHA BOLSA PARA A AXUDA Á INTEGRACIÓN DUNHA PERSOA CON NECESIDADES EDUCATIVAS ESPECIAIS (DIFICULTADES DE MOBILIDADE E COMUNICACIÓN) NA FACULTADE DE CIENCIAS SOCIAIS E DA COMUNICACIÓN NO CAMPUS DE PONTEVEDRA.

O alumnado da Universidade de Vigo, segundo o establecido no artigo 100.d dos Estatutos da Universidade de Vigo ten dereito a beneficiarse das distintas axudas e bolsas que a Universidade e outras institucións establezan ao seu favor. A Universidade de Vigo de conformidade co estipulado no artigo 105 dos referidos Estatutos, poderá ofrecer ao seu alumnado bolsas de colaboración nos servizos de asistencia á comunidade universitaria e programas complementarios de axudas para cubrir as necesidades non atendidas ou insuficientemente atendidas polas administracións públicas.

Por isto, estímase conveniente a tramitación dun expediente para a convocatoria das bolsas, cuxa xestión realizárase de acordo cos principios de publicidade, transparencia, concorrencia, obxectividade, igualdade e non discriminación. A finalidade é fomentar unha mellor formación do alumnado a través do servizo que poida prestar á comunidade universitaria, colaborando en labores que se axusten a determinadas áreas de traballo definidas na presente convocatoria, en réxime de compatibilidade cos seus estudos e iniciándose así en tarefas vinculadas aos mesmos.

En virtude das facultades que lle outorgan a Lei orgánica 6/2001, do 21 de decembro, modificada pola Lei 4/2007, do 12 de abril, de Universidades e o artigo 58 do Decreto 7/2010, do 14 de xaneiro, polo que se aprobaron os Estatutos desta Universidade, esta Reitoría RESOLVE:

1. Anunciar a convocatoria dunha bolsa para a axuda á integración dunha persoa con necesidades educativas especiais na Facultade de Ciencias Sociais e da Comunicación no Campus de Pontevedra.
2. Ordenar a publicación da devandita convocatoria no rexistro xeral e auxiliares da Universidade de Vigo, na Facultade de Ciencias Sociais e da Comunicación do Campus de Pontevedra; na páxina web http://extension.uvigo.es/extension_gl/discapacidade/bolsas/; e na páxina web da Universidade.

As bolsas solicitaranse no modelo oficial ata o **27 de outubro de 2015**

A solicitude presentárase xunto cos documentos esixidos no rexistro xeral e auxiliares da Universidade de Vigo ou en calquera dos medios previstos no artigo 38.4 da Lei 30/1992, do 26 de novembro, modificada pola Lei 4/1999, do 13 de xaneiro, de réxime xurídico das administracións públicas e do procedemento administrativo común.

Contra esta resolución, que esgota a vía administrativa, poderase interpoñer un recurso perante a xurisdición contencioso administrativa, no prazo de dous meses contados dende o día seguinte á súa publicación, de conformidade co disposto na Lei 29/1998, do 13 de xullo, reguladora da xurisdición contencioso administrativo.

Así e todo, as persoas interesadas, poderán optar por interpoñer contra esta resolución un recurso de reposición, no prazo dun mes contado a partir do día seguinte á súa publicación, perante o mesmo órgano que a ditou. Neste caso, non caberá interpoñer o recurso contencioso administrativo antes mencionado, en tanto non recaia a resolución expresa do recurso de reposición, de acordo co disposto na Lei 4/1999, do 13 de xaneiro, modificada pola Lei 30/1992, do 26 de novembro, de réxime xurídico das administracións públicas e do procedemento administrativo común.

Vigo, 14 de outubro de 2015

O reitor


Por delegación RR 11/09/2013

O vicerreitor de Extensión Universitaria e Relacións Internacionais



Manuel J. Fernández Iglesias

Dilixencia para facer constar que esta resolución publícase no taboleiro de anuncios do rexistro xeral da Universidade de Vigo, con data de 15 de outubro de 2015
O xefe da Área de Bolsas



Francisco Navaza Dafonte

BASES DA CONVOCATORIA DUNHA BOLSA PARA A AXUDA Á INTEGRACIÓN DUNHA PERSOA CON NECESIDADES EDUCATIVAS ESPECIAIS (DIFICULTADES DE MOBILIDADE E COMUNICACIÓN) NA FACULTADE DE CIENCIAS SOCIAIS E DA COMUNICACIÓN NO CAMPUS DE PONTEVEDRA

1. OBXECTO DA BOLSA

Na Facultade de Ciencias Sociais e da Comunicación do Campus de Pontevedra atópase unha persoa con necesidades educativas especiais, cursando estudos de Grao en Publicidade e Relacións Públicas, que require dunha atención especial para a súa mellor integración e aproveitamento académico.

Con motivo de fomentar a integración desta persoa tanto na dinámica do centro como da aula; apoiála nas actividades de clase; na relacións cos compañeiros/as e facilitarlle a mobilidade no centro, faise necesario convocar a presente axuda para que unha persoa poida colaborar con ela e facilitar a súa integración no centro.

2. REQUISITOS DAS PERSOAS SOLICITANTES

As persoas solicitantes deberán estar matriculadas no curso académico 2015/16 no Grao en Publicidade e Relacións Públicas da Facultade de Ciencias Sociais e da Comunicación do Campus de Pontevedra, no momento de solicitar a bolsa, tendo que manter esta condición durante o período de duración da mesma.

3. INCOMPATIBILIDADES

O goce desta bolsa é incompatible con calquera relación laboral ou administrativa pola que se perciban retribucións con cargo a algunha entidade pública ou privada. Así mesmo, é incompatible coa prestación ou co subsidio por desemprego.

Ademais é incompatible con calquera das bolsas de colaboración ou de formación complementaria convocadas pola Universidade de Vigo. Non se poderá gozar dunha bolsa co mesmo obxecto “colaboración ou formación complementaria do estudiantado da Universidade” por un período superior a vinte meses, contabilizados de forma consecutiva ou discontinua. Este límite terase en conta no momento que remata o prazo para a presentación das solicitudes. O cómputo do tempo da persoa bolseira farase por meses completos, se a bolsa se inicia antes do día 15 ou finaliza despois, incluído este; computarase como un mes enteiro para o cálculo do límite dos vinte meses.

No caso de que a persoa bolseira goce doutra bolsa distinta ás de axuda ao estudo, deberá solicitarlle ao reitor a súa compatibilidade. En caso contrario, poderá ser causa de anulación da condición de persoa bolseira.

4. CARACTERÍSTICAS DA BOLSA

A persoa bolseira deberá realizar as seguintes funcións:

1. Colaborar nas materias e na mobilidade desta persoa no centro e na aula.
2. Colaborar no deseño, na organización e na realización dos traballos de clase.
3. Colaborar na aplicación á práctica e/ou na exposición dos traballos de clase.
4. Axudar nos procesos de interacción social relacionadas coas actividades académicas que deba realizar esta persoa
5. Aquelas outras que poidan xurdir como consecuencia da avaliación progresiva das necesidades da citada persoa.

A persoa beneficiaria da bolsa estará baixo a tutoría da persoa coordinadora do programa de apoio que elaborará un informe ao rematar o período de duración da bolsa.

5. DURACIÓN E DESENVOLVEMENTO DA BOLSA

A bolsa terá unha duración máxima de 8 meses, rematando o 30 de xuño de 2016.

O número máximo de horas de colaboración será de 20h á semana, incluíndo tanto a asistencia as clases presenciais como a realización de traballos de clase.

6. DOTACIÓN E PAGAMENTO

A dotación económica bruta mensual da bolsa será dun máximo de 450 euros. Estará suxeita á retención polo IRPF e ás obrigas de cotización á seguridade social (cota obreira) que estableza a normativa vixente nestas materias.

Os fondos destinados a esta acción irán con cargo ás seguintes aplicacións orzamentarias:

- 2015 0000 121D 482.06: o importe do crédito orzamentario retido ascende a 969,78€ (900€ pola dotación bruta das bolsas e 69,78€ en concepto de cota patronal).
- 2016 0000 121D 482.06: o importe do crédito orzamentario retido ascende a 2.909,34 € (2.700€ pola dotación bruta das bolsas e 209,34 € en concepto de cota patronal).

O pagamento farase por períodos mensuais vencidos nos primeiros sete días. Retribuiranse as horas realizadas nese período segundo o establecido nesta convocatoria (máximo 20 horas semanais). Para facelo efectivo, a persoa beneficiaria da bolsa debe estar ao corrente coa Universidade nos seus pagos de matrícula.

Se a actividade a desenvolver polas persoas bolseiras en cada mes non se adecúa ás condicións fixadas nesta convocatoria e para poder adecuar o pago á actividade real realizada, a persoa coordinadora emitirá un informe no que fará constar a actividade realizada nese período e achegarao á Área de Bolsas antes do día 25 do mes en curso. Este informe pode ser tido en conta en futuras convocatorias.

A dedicación de cada bolseiro e bolseira debe adecuarse á súa carga lectiva. A persoa bolseira poderá distribuír e compensar ata un máximo do 20% das horas de dedicación dun mes entre as distintas semanas dentro do mesmo mes.

7. PRAZO DE PRESENTACIÓN DE SOLICITUDES E DOCUMENTOS

As persoas solicitantes deberán cubrir o modelo oficial (véxase o anexo I).

As solicitudes presentaranse dende o día seguinte a publicación desta convocatoria ata o **27 de outubro de 2015**.

O impreso de solicitude tamén pode atoparse nos servizos administrativos da Facultade de Ciencias Sociais e da Comunicación do Campus de Pontevedra; no Servizo de Extensión Universitaria do Campus de Vigo (Edificio Miralles); descargalo da páxina web http://extension.uvigo.es/extension_gl/discapacidade/bolsas/; ou da páxina web da Universidade.

As persoas solicitantes deberán acompañar xunto coa solicitude os seguintes documentos:

- A fotocopia do NIF, NIE, ou pasaporte en vigor.
- A fotocopia do documento de afiliación á Seguridade Social.
- A certificación académica oficial dos estudos realizados; no caso de que se realizaran fóra da Universidade. de Vigo.

- O currículo, no que indicará a formación e as actividades realizadas que considere de interese para o desenvolvemento da bolsa cos documentos acreditativos dos méritos alegados.
- O xustificante de estar en posesión de bolsas distintas ás de axuda ao estudo; de ser o caso.
- A ficha persoal de pagamentos (véxase o anexo II).

Ás persoas solicitantes tamén se lles poderá requirir para que acheguen aqueles outros documentos que fosen precisos para o outorgamento da axuda.

Os datos persoais recollidos na solicitude teñen carácter obrigatorio e serán tratados pola Universidade de Vigo para a organización da docencia e o estudo, así como para o exercicio das demais funcións propias do servizo público de educación superior, reguladas na Lei orgánica de universidades e nos Estatutos da Universidade de Vigo.

A persoa solicitante está de acordo en que os seus datos persoais sexan recollidos, tratados e, de ser o caso, cedidos para os seguintes fins: a xestión administrativa e académica do seu expediente; a oferta e a prestación de servizos universitarios; a realización de estatísticas, proxectos de investigación, avaliacións e enquisas; o seguimento dos servizos universitarios prestados; así como a realización de accións destinadas ao fomento do emprego e a prácticas en empresas.

O responsable do tratamento destes datos é a Universidade de Vigo. Os dereitos de acceso, rectificación, cancelación e oposición ao seu tratamento exercitaranse ante a Universidade de Vigo no seguinte enderezo: Edificio de Xerencia-Servizos Centrais, campus universitario, s/n 36310 Vigo (Pontevedra), de acordo co establecido na Lei orgánica 15/1999, do 13 de decembro, de protección de datos de carácter persoal.

8. SELECCIÓN

Unha vez recibidas as solicitudes, a Área de Bolsas, comprobará que cumpren os requisitos básicos da convocatoria e publicará a listaxe de persoas admitidas e excluídas provisional, indicando, de ser o caso, os motivos de exclusión. Daralles un prazo de **cinco días hábiles** para emendar os erros e chegar a documentación requirida.

Emendados os erros, a Área de Bolsas elaborará e publicará a listaxe de persoas admitidas e excluídas definitiva, indicando o motivo de exclusión de ser o caso.

O proceso de selección farao a Comisión de Valoración designada polo vicerreitor de Extensión Universitaria e Relacións Internacionais e estará formada polos seguintes membros:

- O vicerreitor de Extensión Universitaria e Relacións Internacionais ou persoa en quen delegue; que actuará como presidente.
- A decana da Facultade de Ciencias Sociais e da Comunicación do Campus de Pontevedra ou persoa en quen delegue.
- O xefe do Servizo de Extensión Universitaria.
- A xefa da Sección de Extensión Universitaria.

Esta Comisión valorará as candidaturas tomando como base os seguintes **criterios e baremos**:

1. A media do expediente académico nos estudos da titulación que se estean cursando, no caso de solicitantes de primeiro curso os últimos estudos finalizados: ata 2 puntos.
2. Estar matriculado/a no mesmo grupo do curso que a persoa á que se vaia apoiar: ata 4 puntos.

3. Outros méritos relacionados coa formación en ámbitos similares ás actividades a desenvolver como (formación con persoas con trastornos similares, prácticas desenvolvidas neste ámbito, formación en tarefas de apoio á integración, etc). Ata 2 puntos.
4. Haber cursado anteriormente materias nas que este matriculado o alumno obxecto do apoio durante o curso 2015/2016. Ata 1 puntos.

De consideralo preciso, o xurado poderá solicitar unha proba de capacidade dos solicitantes para cumprir os cometidos da bolsa.

Rematado o proceso de selección, á Área de Bolsas publicará o acordo da Comisión e a resolución provisional das persoas seleccionadas e das solicitudes denegadas cos seus motivos, así como a listaxe de agarda. As persoas interesadas, disporán dun **prazo de cinco días hábiles**, para presentar as alegacións que consideren.

Unha vez revisadas as alegacións pola Comisión e remitido o acordo, a Área de Bolsas elaborará e publicará a resolución definitiva das bolsas concedidas, das solicitudes denegadas e a listaxe de agarda por orde de maior a menor puntuación que se usará para cubrir as renuncias que se poidan producir.

Todas as listaxes e resolucións ás que se refire este punto publicaranse nos taboleiros da Vicerreitoría de Extensión Universitaria e Relacións Internacionais, no rexistro xeral e auxiliares da Universidade de Vigo e na páxina web da Universidade.

9. OBRIGAS DA PERSOA BENEFICIARIA

A persoa beneficiaria da bolsa terá as seguintes obrigas:

- Estar matriculada na Universidade de Vigo realizando estudos conducentes a obter un título oficial de grado en Publicidade e Relacións Públicas, na Facultade de Ciencias Sociais e da Comunicación, do Campus de Pontevedra durante todo o período de duración da bolsa.
- Colaborar coa Facultade de Ciencias Sociais e da Comunicación do Campus de Pontevedra, e coa Vicerreitoría de Extensión Universitaria e Relacións Internacionais en todo canto sexa necesario para lograr o obxecto desta axuda.
- Colaborar en todo momento coa persoa encargada de coordinar estas bolsas.
- Comunicar os cambios que se produzan nas condicións iniciais da concesión da bolsa.
- Comunicar todas aquelas axudas ou bolsas, que perciban distintas as axudas ao estudo.

10. REVOGACIÓN DA AXUDA

A concesión da bolsa pode ser revogada polos seguintes motivos:

- O incumprimento das obrigas especificadas nesta convocatoria.
- A ocultación de datos, a súa alteración ou calquera outra manipulación da información solicitada.
- O incorrer nalgunha das causas de incompatibilidade establecidas na convocatoria.
- O incumprimento no desenvolvemento das actividades propias da bolsa, previa tramitación dun expediente contradictorio, que se iniciará, de ser o caso, mediante o informe desfavorable da persoa coordinadora.

A revogación suporá o reintegro das cantidades aboadas.

11. DISPOSICIÓNS ADICIONAIS

Todas as dúbidas que poidan xurdir na interpretación desta convocatoria serán resoltas polo vicerreitor de Extensión Universitaria e Relacións Internacionais.

Calquera reclamación ou queixa farase chegar ao vicerreitor de Extensión Universitaria e Relacións Internacionais a través da persoa coordinadora.

O desfrute da bolsa suporá a aceptación do previsto no Real decreto 1493/2011, do 24 de outubro, polo que se regulan os termos e as condicións de inclusión no réxime xeral da Seguridade Social das persoas que participen en programas de formación (publicado no BOE do 27 de outubro).

A persoa bolseira non adquire ningunha relación contractual, administrativa ou estatutaria coa Universidade de Vigo. A concesión da bolsa non implica ningún compromiso en canto á posterior incorporación aos cadros de persoal da Universidade.

ANEXO I: MODELO DE DE SOLICITUDE

CONVOCATORIA DUNHA BOLSA PARA A AXUDA Á INTEGRACIÓN DUNHA PERSOA CON NECESIDADES EDUCATIVAS ESPECIAIS NA FACULTADE DE CIENCIAS SOCIAIS E DA COMUNICACIÓN DO CAMPUS DE PONTEVEDRA

Datos do/a estudante			
Apelidos		Data de nacemento	
Nome		DNI	
Nacionalidade			
Enderezo Permanente:		Enderezo durante o curso 2015/16:	
Localidade - Prov.:		Localidade - Prov:	
CP:		CP:	Válido ata:
Teléfonos de contacto:			
E-mail:			

Documentación obrigatoria
- Fotocopia do NIF, NIE, ou pasaporte en vigor. - Fotocopia do documento de afiliación á Seguridade Social. - Certificación académica oficial dos estudos realizados fóra da Universidade de Vigo. - Currículo, no que se indicará a formación e as actividades realizadas que considere de interese para o desenvolvemento da bolsa cos documentos acreditativos dos méritos alegados. - Solicitude de compatibilidade da bolsa (no caso de alumnado que teña concedida unha bolsa distinta das axudas ao estudo para o curso 2015/16). - Ficha persoal de pagamentos (anexo II). - Declaración xurada de veracidade dos datos achegados (anexo III)

Asdo:

VICERREITOR DE EXTENSIÓN UNIVERSITARIA E RELACIÓNS INTERNACIONAIS

ANEXO II

FICHA PERSOAL DE PAGAMENTOS POR TRANSFERENCIA FICHA PERSONAL DE PAGOS POR TRANSFERENCIA

DATOS PERSOAIS / DATOS PERSONALES

DATOS QUE DEBE CUBRIR A PERSOA INTERESADA DATOS QUE DEBE CUBRIR LA PERSONA INTERESADA	
Nº. DE CIF OU NIF (Achegar copia) Nº. DE CIF O NIF (Adjuntar fotocopia): _____	
NOME DO/A PERCEPTOR/A: NOMBRE DEL/A PERCEPTOR/A: _____	
NOME COMERCIAL: NOMBRE COMERCIAL: _____	
ENDEREZO FISCAL: DOMICILIO FISCAL: _____	
CÓDIGO POSTAL: CÓDIGO POSTAL: _____	POBOACIÓN: POBLACIÓN: _____
TELÉFONO CON PREFIXO: TELÉFONO CON PREFIJO: _____	
SELO DA EMPRESA (se procede): SELLO DE LA EMPRESA (si procede): _____	SINATURA: FIRMA _____

DATOS BANCARIOS / DATOS BANCARIOS

CÓDIGO CONTA-CLIENTE / CÓDIGO CUENTA-CLIENTE																			
IBAN																			
E	S																		
(cubrir tódolos díxitos do IBAN) (cumplimentar todos los dígitos del IBAN)																			
ENDEREZO DO BANCO: DIRECCION DEL BANCO: _____										Poboación: Población: _____					C.P. C.P. _____				
										Telef.: _____					Fax: _____				
SINATURA E SELO DO BANCO: FIRMA Y SELLO DEL BANCO: _____																			

ANEXO III

DECLARACIÓN XURADA

Don/Dona,con DNI/NIE,declara:
que todos os datos que manifesta neste escrito son verdadeiros e se compromete a achegar os documentos
que así o acrediten; e que entende e coñece todos os termos da convocatoria, en particular, onde se indica
que a ocultación ou falsidade dos documentos leva aparelhada a perda de todo dereito para presentarse a
esta convocatoria.

Lugar e data:

Asinado: